

ՔՈՎԻՏԸ ՏԱԿԱԻՆ ԱՐՏԱԿԱՐԳ ԴՐՈՒԹԻՒՆ

Առողջապահության համաշխարհային կազմակերպությունը որոշեց Քովիտի համաճարակը պահել գերագոյն արտակարգ իրավիճակի տակ, առ ի գործադրություն մասնագետներու յանձնաժողովի առաջարկին, ըստ որուն՝ տակաւին կանուխ Է մեղմելու արտակարգ դրութիւնը: Նշենք, որ Քովիտը առողջապահական մտավախութիւն համարուեցաւ երեք տարի առաջ գրեթէ այս օրերուն:

ԸՆԴՀԱՆՈՒՐ ԳՈՐԾԱԴՈՒՄԻ ՄՏԱԴՐՈՒԹԻՒՆ

Աշխատանքային ընդհանուր համադաշնակցութեան Նախագահ Պըշարա Ամար յայտարարեց, թէ իրենց



մտադրութիւն ունին ամբողջական գործադրող յայտարարելու Չորեքշաբթի, 8 Փետրուարին, պահանջելով աշխատանքներու ընկերային ու տնտեսական խնդիրներու լուծում: Իսկ Յամաքային փոխադրութեան համադաշնակցութիւններու միութեան Նախագահ Պասսամ Թէյս յայտնեց, որ հանրային փոխադրութեան վարորդներուն վիճակը դարձած է անտանելի:

Պէյրուզի եւ Լեռնալիբանանի մէջ հացի փուռերու սեփականատէրերու սենտիքայի Նախագահ Նասեր Սրուր իր կարգին յայտնեց, որ հացին գինը պիտի նուազի երբ



Կեդրոնական դրամատունէն հրապարակուին անհրաժեշտ շրջաբերականները եւ նուազի ամերիկեան տոլարին փոխարժեքը: Սրուր Նաեւ անչակից մարմիններէն պահանջեց լուծել փուռերուն վաճառուող ցորենի անբաւարարութեան հարցը, որպէսզի կարելի ըլլայ անխափան շարունակել հացի արտադրութիւնը:

ՂԱՏԱՌՆԵՐՈՒ ԱՌՃԱԿԱՏՈՒՄ

Վճռաբեկ ատենի ընդհանուր դատախազ Ղասսան Օուէյտաթ երէկ յուշագիր յղեց Ելեւմտական հարցերու ընդհանուր դատախազ Ալի Իպրահիմին՝ պահանջելով բանակի հետախուզական ծառայութեան եւ ապահովական կառոյցներուն միջոցաւ հետապնդել ու ձերբակալել այն լուսնայափոխները, որոնք մասնակից կը դառնան լիբանանեան լիբանի արժեզրկումին:

Ղատական իշխանութիւններ տեղեկութիւններ երէկ նշեցին, որ արդարադատութեան Նախարարի պաշտօնակատար Յաննի Յըլու կը փորձէ հանդարտեցնել դատաւորներ Օուէյտաթի եւ Թարեք Պիթարի միջեւ սրած լարուածութիւնը, մանաւանդ որ իրավիճակը ազդած է դատական համակարգի աշխատակիցներուն եւ դատաւորներուն վրայ, որոնք սկսած են զօրակցիլ առճակատող կողմերէն մէկուն՝ միւսին դէմ: Ըստ տեղեկութիւններուն, կ'առաջարկուի Պիթարի գրասենեակը Պէյրութէն փոխադրել Ժուէյտի Արդարադատութեան պալատ, սակայն գայն գործադրելու համար ցարդ չէ գտնուած օրինական միջոց:

Իր կարգին, Ելեւմտեան Նախկին Նախարար, երեսփոխան Ալի Ղասսան Խալիլ բողոք ներկայացուցած է դատաւոր Թարեք Պիթարի մասին, անոր աշխատանքային ենթադրեալ սխալներուն համար:

ԱՐՑԱՆ. ՀԱՅԱԹԱՓՈՒՄԵՆ ՓՐԿՈՒԹԵԱՆ ՄԻԱԿ ՄԻՋՈՑ

Արցախի պետական Նախարար Ռուբէն Վարդանեան Ստեփանակերտի մէջ տեսակցութիւններ ունեցաւ քաղաքայիններուն հետ եւ քննարկեց Արցախի մէջ տիրող իրավիճակը եւ կառավարութեան աշխատանքները: Վարդանեան շեշտեց, որ Ատրպէյճանի՝ Արցախը հայաթափելու



ծրագիրը ձխողութեան մատնելու համար կայ միայն մէկ ճանապարհ՝ սեղմել ակռաները եւ յառաջ երթալ: Ըստ Վարդանեանի, այդ կարելի է կատարել միայն համախմբուած մտայնութիւնով: Իսկ քաղաքայինները հաւաստիացուցին, որ շրջափակումը չի կրնար կտրուել հայրենի հողին վրայ արժանապատիւ կեանքը շարունակելու վճռակալութիւնը: Կառավարութիւնը յայտարարեց, որ Արցախի շրջափակումի սկիզբէն ի վեր Յանրապետութեան մէջ ծնած է 183 երեխայ:

Յայաստանի Ազգային ժողովի փոխնախագահ Ռուբէն Ռուբինեան յայտնեց, որ միջանցքի փակումին վերաբերեալ միջազգային ճնշումը եւ ուշադրութիւնը կ'ընդար-



ձակուի եւ պետք է շարունակել այդ աշխատանքը: «Ազատութեան» հետ զրոյցի ընթացքին Ռուբինեան յիշեցուց, որ 2020-ի Նոյեմբեր 9-ի յայտարարութիւնը յստակ կը նշէ, որ միջանցքը կը մնայ ռուս խաղաղապահ զօրակազմի վերահսկողութեան տակ եւ այնտեղ Արցախի կամ Յայաստանի իշխանութիւնները չունին լիազօրութիւն կամ վերահսկողութիւն: «Յայաստանը Արցախի մէջ չունի զօրք եւ զէնք ու ականներ չէ տեղափոխած», ըսաւ Ռուբինեան, հակադարձելով ատրպէյճանական այն պնդումներուն, որ հայերը միջանցքը գործածած են ականներ փոխադրելու Արցախ եւ գանոնք գործածելու ատրպէյճանական թիրախներու դէմ:

ՄԱՐԴԱՍԻՐԱԿԱՆ ԱՇԽԱՏԱՆՔՆԵՐ

Ընկերային հաղորդակցութեան Թելեկրամ կիրառութեան Peacekeeper ալիքը հաղորդեց, որ ատրպէյճանա-

կան կողմին հետ համաձայնութեամբ, ռուս խաղաղապահները Արցախէն Յայաստան փոխադրած են այն ռուս քաղաքայինները, որոնք Ամանորին ժամանած էին Ար-



ցախ: Ընդհանուր առմամբ փոխադրուած է 44 մարդ՝ ներառեալ 7 երեխայ: Իսկ Կարմիր խաչի միջազգային կոմիտէի ներկայացուցիչները Յունուարին դարձեալ այցելած են Ատրպէյճանի մէջ պահուող հայ գերիներուն՝ փոխանցելով իրենց ըստանիքներուն Նամակները եւ ձայնագրուած տեսանիւթերը: Կարմիր խաչը երէկ Արցախէն Յայաստան փոխադրեց 19 քաղաքային՝ ըստանիքի հետ վերամիաւորուելու նպատակով:

Երէկ Արցախի մէջ վերջապէս իրենց հարազատներուն վերամիացան այն երեխաները, որոնք Վրաստանի մէջ մասնակցած էին մրցոյթի, սակայն չէին կրցած տուն վերադառնալ՝ միջանցքի փակումին պատճառով:

ՄԻՋԱԶԳԱՅԻՆ ՄԻՋԱՍՏՈՒԹԵԱՆ ՊԱՅԱՆՁ

Միջազգային իրաւական հարցերով Յայաստանի ներկայացուցիչ Եղիշէ Կիրակոսեան յայտնեց, որ ՄԱԿ-ը Արցախի հայերուն համար վերջին ատենան է: Միջազգային դատարանի նիստին ընթացքին Կիրակոսեան յայտնեց,



որ «Յայաստան կը պահանջէ որ դատարանը ատրպէյճանին պարտաւորեցնէ դադրեցնել միջանցքի շրջափակումը երկու ուղղութիւններով, ինչպէս նաեւ չիստիստեալ Յայաստանէն Արցախ կազմաւտակարարումն ու լեյկտարմատակարարումը»: Իսկ Յայաստանի հայցը ներկայացնող փաստաբաններէն Լորընս Մարթին յայտնեց, որ առանց միջազգային դատարանի անյապաղ գործողութիւններուն Արցախի հայերուն կեանքը վտանգուած է:

ԲԵՌՆԱԿԱՌԵՐՈՒ ԴԵՍ ՅԱՐՈՒԱԾ ԱԼՊՈՒՔԱՄԱԼԻ ՄԵՋ

Մարդկային իրաւունքներու սուրիական դիտարանը հաղորդեց, որ անօդաչու թռչող սարքեր Սուրիոյ արեւել-



եան սահմանային Ալպուրամալ շրջանին մէջ մբակոծած են բեռակառքեր, որոնք ենթադրաբար Իրանէն զէնք կը փոխադրեն Իրաքի վրայով: Ըստ դիտարանին, հարուածին պատճառով մահացած են 7 վարորդներ ու իրենց ընկերակիցները, որոնք սուրիացի չեն:

ՉԳՈՒՆԱՑՈՒՄ ԱՄԵՐԻԿԱՅԻՆԵՐՈՒՆ

Անգարայի մէջ ամերիկեան դեսպանութիւնը Թուրքիա այցելող ամերիկացի քաղաքայինները զգուշացուց Իսթանպուլի մէջ ահաբեկչական հաւանական գործողութիւններու վտանգէն: Յաղորդագրութիւնը դիտել տուաւ, որ ամերիկացիները Պոլսոյ որոշ շրջաններու մէջ կրնան թիրախ դառնալ յարձակումներու՝ որպէս հակադարձութիւն Եւրոպայի մէջ Զորանի հրկիզումին, մասնաւորաբար ընդգծելով Պէյժոլու, Կալաթա, Թաքսիմ շրջանները եւ Իսթիքլալ պողոտան, որոնք բոլորն ալ կը համարուին զբօսաշրջային կեդրոններ: Նման զգուշացում հրապարակած էր նաեւ Ֆրանսական դեսպանութիւնը:



Իսկ Արցախի մարդկային իրաւունքներու պաշտպան Քեղամ Ստեփանեան, իրաւապաշտպան Արման Թաթոյեանի հետ աւելի քան 45 երկիրներու ներկայացուցիչներու առջեւ բացայայտեց ատրպէյճանական թշնամանքի փաստերը՝ Զարիթասի միջազգային ու եւրոպական կառոյցներու կազմակերպած առցանց հանդիպումին ընթացքին:

